


國立故宮博物院珍藏




清代起居注冊

咸豐朝

第二十冊

國立故宮博物院珍藏



清代起居注冊

咸豐朝 第二十冊

咸豐四年六月上……	一一三六九
咸豐四年六月下……	一一四七一
咸豐四年七月上……	一一五四一
咸豐四年七月下……	一二七〇一
咸豐四年閏七月上……	一二八〇九
咸豐四年閏七月下……	一二九二五

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

72·12·0650

·89007120·

清代起居注冊

咸豐朝第二十冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六一二一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元



咸豐四年歲次甲寅六月初一日戊辰內閣
奉

諭旨昨據惇郡王奕誼等奏叅鑲黃旗漢軍叅領
蕭鑑於揀選公中佐領將新營房章京騎都尉
惠麟名牌駁不呈送經奕誼等傳訊猶復嘵嘵
置辯等語當諭令將該員如何置辯有無徇私
別情再行查訊具奏本日據奕誼等將該叅領

剖辯之語聲覆又稱前奏草率夾諒自請嚴議
並劉鉦希拉布自請議處究竟該叅領蕭鑑有
無徇私違例情事夾諒等何以叅奏於前又復
自請處分於後著惠親王親王銜定郡王載銓
秉公查辦據實具奏又奉

諭旨陳啟邁奏請將勸捐得力官紳懇恩獎勵等
語江西南昌府同知崔登鼈會同在籍紳士候

選道萬啟琛等辦理該省勸捐事宜兩年以來
著有成效加恩著照所請崔登鼇著交部從優
議敘萬啟琛著以道員不輪繁簡遇缺即選候
補縣丞潘啟元著免補本班以知縣留於該省
歸新例分缺先補用該部知道又奉

諭旨陳啟邁奏叅防堵不力各員並自請議處一
摺賊匪竄至江西德安縣等縣地方經該署知

縣劉希洛等督帶兵勇堵剿因逆勢猖獗致各
該縣城池均被賊匪竄擾該員等防禦不力實
有應得之咎江西署德安縣事即用知縣劉希
洛建昌縣知縣景瑞署武甯縣事通判王宇英
均著革職仍責令帶罪自效俟竣事後交該撫
審訊辦理九江鎮總兵佛隆以傳聞大員不能
力遏寇氛致賊匪蔓延數縣實屬辜恩溺職佛

隆著即革職以示懲儆陳啟邁雖甫經到任究屬疎於防範著交部議處又奉

諭旨楊以增奏工程緊要請撥大汛工需一摺著戶部發給銀票四十萬兩即日解往應用並准其於淮安關原欠河庫額解銀兩內動撥銀四萬兩以資搭放又奉

諭旨慶錫奏官紳商民捐輸分別請獎一摺所有

捐輸之郭啟亨等十名魏克順等十名均著准
其戴用八品頂帶甯河縣監生張肇禮著賞給
同知職銜薊州文童王全隆盤山內圍千總慶
宜委署千總張啟祥石門工部員外郎廷衡均
著交部議敘另片奏捐輸銀兩之

景陵總管峻德禮部員外郎色卿額定泰內務府員
外郎德住內務府主事德衡額郎中阿克達春

關瑞關濬員外郎穆雅渾尚膳正廣運均著交部議敘餘著照所擬辦理該部知道又奉

諭旨慶錫奏搶刦案內起獲贓物可疑等語此案民人劉振即劉進才被賊搶刦既據拏獲夥犯起出原贓均有可疑並訊據劉進才供有職官與書吏交涉事件難保無另有情弊即著慶錫提案訊明據實具奏又奉

奉

諭旨景淳奏吉林官紳兵民捐輸開單呈覽一摺
伯都訥前任同知成祥現任同知成慶長春廳
通判松鶴吉林巡檢戈煜在籍工部主事于凌
晨均著交部議敘其吉林烏拉等處大小官員
並領催以下兵民等應行獎勵之處均著戶部
覈議具奏餘著照所擬辦理單併發又奉
諭旨景淳奏請將撥抵倉穀仍照前擬辦理一摺

吉林官兵俸餉所需最關緊要著准其將倉穀
照每石作價一錢扣抵以備支放餘著照所擬
辦理該部知道又奉

諭旨承志等奏審明失察門丁書役事後受賄之
前任知縣請旨革職一摺所有前任奉天府承
德縣知縣延瑞及門丁樂昌等應得處分罪名
均著刑部議奏此案前經給事中賈世行奏

聲稱聞有環慶隆錢鋪將應交鹽課等銀運送
山西被該縣差役攔回罰銀擾累現據承志等
奏有環慶隆財東賈世行現任御史之語該給
事中以本身開設錢鋪被人訛索何妨詳晰聲
敘據實具奏乃輒以風聞入告並不將實在原
委陳明實屬有心含混賈世行著交部議處又
奉

諭旨山海關監督寶齡奏永平府屬欠解銀兩移
交新任監督行文催解等語直隸永平府各州
縣自道光十六年秋季起至咸豐三年春季共
欠鹽當商生息銀一萬二千二百六十七兩零
經歷任監督於代徵項下墊放兵丁差操等項
上年四月曾降旨交直隸總督嚴催速解乃該
府於該監督寶齡任內僅解到息銀二千五百

兩零除歸還該監督墊放差操銀二千四百兩
並補交陳欠銀一百兩零外截至咸豐四年春
季永平府屬尚實欠銀一萬二千一百六十六
兩零著桂良按照奏定章程迅即嚴催趕緊解
交以清款項毋再宕延又奉

諭旨知道了所得盈餘銀著交廣儲司三萬六千
八百兩其餘銀五百九十八兩零著賞給寶齡

是日太常寺題七月初一日祭

太廟一疏奉

諭旨遣奕訢恭代

後殿遣奕仁行禮東廡遣載崇西廡遣恩醇各分獻
是日吏部議覆浙江巡撫黃宗漢題杭州府
中塘海防同知員缺請以嘉興府知縣楊裕
深升補一疏奉

諭旨楊裕深依議用餘依議又議覆陝甘總督易
棠題徽縣知縣員缺請以候補知縣王銑補

授一疏奉

諭旨王銑依議用餘依議是日兵部題貴州協左
營都司員缺將以儘先升用之銅仁協左軍
守備余允祥擬補一疏奉

諭旨余允祥依擬用餘依議是日